

120

LEONIS ALLATII

*lone maiorem nuncupat. Nam Melo olim pro Nilo positus. Testes sunt Festus Pompeius in Alcedo, & in c Alumento. Isidorus lib. 3. cap. 22. nec dissentit Seruius in lib. 4. Georgic. & i. Aeneidos. ubi tradit Ennium dixisse, Melonem Latinis vocatum, qui Nilus à Græcis. quamuis Plutarchus de fluminibus, non Melonem, sed Melam dictum afferat. Sylua sine ramis, nemus sine frondibus. Plinius. Semine nullo, aut usu eius alio, quam floris ad Deos coronandos. Præter enim florem, nulli Papyro rami, nullæ frondes sunt. Qua de re vide Theophrastum, Dioscoridem, Strabonem, & alios. Quæ sequuntur in Cassiodoro, Papyri nobis notas, veluti penicillo, describunt. Quid hīc est, ut cætera præteream, in tanta rerum copia cum charta ex linteis communē? An linum Memphis concipit sola? quamuis id quoque non me lateat, linum optimum Agyptum producere. Quænam hæc fuerit Nilotica Sylua sine ramis, & frondibus? Num contrita, macerataque linta, quæ an vñquam fuerint, vix dignoscuntur, contexi dicuntur? Viscera nisi ea virentum herbarum. Dispeream, si in tota antiquitate Chartam papyraceam aptius, convenientiusque Cassiodoro alias expressit; tantum abest, ut eum de Charta linta locutum, vel per somnum existimemus. Nec multò Cassiodoro antiquior*